

Social Front Booklet No-58

MIZORAM PRESBYTERIAN KOHHRAN
(Presbyterian Church of India)



SYNOD SOCIAL FRONT



**CORRUPTION
I DO ANG U**

THUHMAHRUAI

*Kum 2022 Synod Inkhâwmpui chuan corruption do leh a kaihnawih chungchânga rawtna, Presbytery pariat ațanga thulût chu hmun khata lain, **kohhranin hlemhlêtna do kawngah nasa zâwka hma lâk chu** ța tiin, a bawhzui hna chu SEC kutah a dah a (2022 Synod Gen. 3). Synod Executive Committee chuan bawhzuiin, “Synod Social Front Committee-in lo zir Chiang se, ruahmanna nêh SEC-ah rawn thlen leh rawh se,” tiin a rêl a (SEC 301:6, Feb. 2023).*

SEC-in mawhphurhna a pêk angin Synod Social Front Executive Committee chuan bawhzuiin, zir Chiangtu tûrte a ruat a (SSFEC 100:10 of 26th Feb. 2023). Zir Chiangtute zir Chianna leh ruahmannate chu Social Front Executive Committee chuan Social Front Committee puiah a thlen leh a (SSFEC 101:4 of 26th April, 2023). Chu chu Synod Social Front Committee chuan pawmin SEC-ah a thlen ta a (SSFC 196:V of 11th May, 2023). Social Front Committee rawnate chu SEC chuan hman nghâl turin a pawm ta a ni (SEC 302:63 of 6–8 June, 2023)

*Chuta a pawm tâk rawtna zînga pakhat, tualchhûng kohhrante hma lâkna tûr târ lanah chuan, “**Awareness campaign neih ni se, corruption ța lohzia inzirtîrna (Awareness campaign) atân Social Front-in corruption ța lohzia kohhranho zirtîrna tûr kaihhruaina booklet, kum 2007-a lo siam tawh chu en nawn (revise)-in chhuah thar ni se,**” tih a ni a.*

Kum 2006 Synod Inkhâwmpui thu anga Synod Social Front leh Synod Revival lamin ram pum huapa corruption that lohzia inzirtîrna an lo kalpui tawh lai khân awareness campaign leh sermon kaihhruaina atân booklet tha tak chhuah a lo ni tawh a. Chu booklet chu SEC thu angin, en nawn huna ziah belh tûr a tihte ziah belhin heti hian chhuah tharin a lo awm ta a ni.

He lehkhabu (Booklet) buatsaih nân hian Pu C. Lalsâwta (IAS Rtd., Chairman, Mizoram Lokayukta) chu a kûl a taiah a òang a. Ani òhahnemngaihna azârah hetiang thuziak tha kan nei thei hi kan lâwm hle a ni.

He booklet hi buatsaih a nih chhan ang takin, chhiartu zawng zawngten corruption that lohzia leh pawiziate hriat thar nân hmang ila. A taka beihna kawngah pawh, he lehkhabu tê hi a òangkai thei ang bera hmang tûrin kohhrana thuhritu zawng zawng kan ngên bawh a ni.



(REV. V.L. LUAIA HRANLEH)

*Executive Secretary
i/c Synod Social Front
Mizoram Synod*

Ni 21.8.2023

CORRUPTION AWMZIA

(Eze 22:12)

‘**Corruption**’ tih hi Sâp ɣawng a ni na a, Mizo ɣawng ang maia kan hman lâw tawh a nih avângin a awmzia pawh kan hre tlâng ɣeuh âwm e. Corruption awmze kilkhâwr (Literal meaning) kan luhchilh dâwn erawh chuan, thil dik lo leh sual tesep zawng zawng hi a huam theih avângin mipui vântlângin kan vei leh kan beih tûr ber, kan chhiatpui mêk hi kan ɣhelh palh ang tih a hlauhawm a. Chu vâng chuan tûn ɣumah hi chuan corruption awmzia lam chu phawk chhah lutuk lo ila, khawvêl pumin corruption tia kan pawm tlân leh kan hriat lâw ang hi luhchilh ila a ɣhat zâwk a rinawm.

Office kal tlai hi a pawl lo tihna ni lovin, sawrkâr hnathawk vawi hnih khat office kal tlai leh mipui chan ai chêng nuai têla eirute chu angkhata teh chi an ni lo vang. Thil dik lo chu an ti ve ve na a, corruption titu nia kan pawm tlân zâwk chu kan rilruah a Chiang mai âwm e. Amaherawhchu, Kristian nun leh Pathian thu nêna inmil lo, sual tenau zâwk nia kan hriatte kan chûl mâm ta vek tihna chu a ni lo. Sual chu sual a la ni reng tho tih hre reng chungin, khawvêlin ‘*Corruption*’ tia a pawm tlân chin erawh kan chhui zui deuh dâwn a ni.

Corruption han tih hian kan rilrua lo lang leh kan pawm tlân ber nia langte chu hengte hi a ni:

1. Sawrkâr, vântlâng leh pâwl sum a thawh tûr ang thawk thei lova tihchingpen.

2. Mahni chanvo tûr dik tak aia tam leh hlu neih theihna tûra thamna leh tlawna pêk leh lâk.
3. Rorêlna leh thuneihna hman dik loh.

Hêng bâkah pawh hian sawi tûr a la awm nual thei ang. Mahse, kohhran leh mipuite hian kan vei leh kan huat ber chu – kan ram, khawtlâng, chhûngkua leh kohhran thleng pawha kan hmasâwnna tûr tibahlahtu **eirukna** sualte hi niin a lang a. Chutiang rilru pu chung chuan corruption ðat lohzia hi i zir ang u.

CORRUPTION HI DO A NGAI

Corruption hian a nasa emaw, nasa lo emaw, khawvêl ram tin hi a fan mêk a. Ram leh hnam tichhetu leh Kristian hmêlma chi khat a nih avângin a ðat lohzia inzirtîr hi thil pawimawh leh ðul tak a ni reng a ni. Mizoram Synod chuan kum 1982 kha **Corruption Do Kum** atân a lo puang tawh a, kum 24 hnu, kum 2006-ah Synod vêk chuan, “Corruption ðat lohzia inzirtîr ni se,” tiin a rêl leh a. Kum 16 a liam leh hnu, kum 2022-ah chuan Pathianin kohhranhote hmangin kan ram mamawh tak min hriat nawntîr leh a duh a ni ngei ang, Synod Inkhâwmpuia corruption do leh a kaihnawih chungchânga rawtna chu Presbytery pariat aţangin a lût ta a. Synod Inkhâwmpui chuan kohhranin hlemhlêtna do kawngah nasa zâwka hma lâk chu ðha a ti a. Corruption do chungchânga kohhranten hma kan lâk leh bawhzui tawh dân ngaihtuahin a sâwt viau lo ni te pawhin a lang a. Chu vâng chuan tih takzeta ðawngţai chungin zir ila, he sual hian kan ram hmêl a tihchhiat mêk dân te thlir chungin, sual (corruption) hneh ngei tûrin mi tinte i intichak thar ðheuh ang u.

CORRUPTION HI RAM DÂNIN A PHAL LOH THIL A NI

Sâphovin min awp lai ațanga mi sualte leh thil sual titute hremna dân, Indian Penal Code (IPC) 1860 min siamsakah hian sual hrang hrang chu khap hranpa lovin, a hremna tûr emaw, hrem dân tûr emaw kha a chuang nghâl tawp mai a. A chhan chu, sual Chiang sa – rûkrûk, mi bum, tualthah te hi chu a hranpaa khap pawh ngai lova sual a nih sa avângin a hrem dân kha a târ lang nghâl mai a. Hlemlêtna (corruption) erawh chu sual satliah a nih loh avângin a hranpa ngata khapna dân siam a ni a, chu chu *Prevention of Corruption Act, 1988* kan hman lai hi a ni.

Dân ding lai tam tak nên ẵng hovin mi hlemlhete chu hrem tûr an ni ta a ni. Chumi tipuitling tûr chuan sawrkâr leh Mizoram Lokayukta mai ni lovin, khua leh tui ẵa zawnz zawnz hian mawhphurhna pawimawh tak kan nei vek a ni tih hriat a ẵa.

Corruption han tih hian kan hriat thiam dân leh kan huamtîr chin a inchen lo mai thei. Mahni leh duhsak zâwnz bîk hamẵhatna tûra dik lo taka sawrkâr leh vântlâng thuneihna hman sual hi corruption chu a ni kan ti thei âwm e.

Lokayukta-in corruption a khai khâwm dân chu:

1. Mipui emaw, sawrkâr emaw sum ei rûk, tihchingpen leh a titute thurualpui.
2. Thamna ngiat, lâk leh pêk.
3. Contract hna pakhat sem sawm leh tender chhuah lova contract hna pêk leh dawn.

4. Hnathawh tûr duan sa (Estimate designs & specifications) phâk lova contract hna thawh leh bill emaw, sum emaw lâk.
5. Quotation ko lova sawrkâr thil lei leh hralh.
6. Sawrkâr bungrua dah ãawl, a hmanna tûr ni lova hman sual.
7. Land Acquisition Act hmang lova mahni State chhûnga mi mal hnên aţanga sawrkâr sum hmanga ram lei. LSC nei lo, chhiah pe lova ram hralha sumdâwn.
8. Advertisement chhuah lova hma lâk leh a dangte.

**CONTRACT HNA ƦHA LO LEH HLEMHLE NIA
HRIATTE REPORT-TU NIH HREH LOVA, VÊNGTE
HÊK AWMZIA LEH REPORT-TUTE LO HUMNA DÂN
(WHISTLEBLOWERS ACT)**

Corruption do tûr hian khua leh tui Ʀha chuan mawhphurhna kan nei vek a, mi hlemhle leh a titu hria chuan thuneitute hnêna hriattîr hi mipui mawhphurhna a ni. Chumi tûr chuan Lokayukta pawhin awareness campaign te neiin TV show, advertisement leh notice board ilote hmangin mipuite hnênah hlemhle nia an hriatte chu thuneitute hnêna hriattîr tûrin a sâwm Ʀhîn a. Mahse, heti khawpa kan rama corruption a punlun thu kan sawi chamchi chung hian, chawhrualin kum tin hetiang hriattîrna/complaint hi dorzon khat awrh chauh an dawng Ʀhîn a ni âwm e. Hêng zînga tam fe, hmun thuma Ʀhena hmun khat (1/3 vêl) chu Chakma-hovin anmahni Chakma-puite an hêkna a la ni lehngâl.

Ram changkâna tûra sawrkârin hna eng emaw zât a chhawp chhuahte hi, a nihna tûr (Plan and Estimates)

ang taka thawh a nih loh thin avângin ram leh mipuite hian changkâna rah chu kan têt tha thei lo thin a. Dân ding lai tha tak tak – General Financial Rules 2017, Central Treasury Rules, Mizoram Transparency in Public Procurement Act, 2008, Mizoram Public Procurement Rules, 2020, CPWD Works Manual, Standard Operating Procedures for CPWD Works Manual, 2019, Manual for Procurement of Works, 2019 leh kaihhraina tam tak kan neihte hi kan hmang tha duh lo emaw, a nih tûr angin kan hmang lo emaw niin a lang.

Dânin a phût ang chuan sawrkâr suma hnathawh (work) rêng rêng chu, chêng nuai nga hnuai lamah chuan Limited Tender hmangin contractor pathum talin an inchuh hnuah rate hniam ber emaw, a tha ber hnênah emaw contract hna chu pêk theih a ni a. Hemi chung lam chin chu open tender chhuahin, a hnathawktu tûr contractor chu thlan chauh tûr a ni. Hêngah pawh hian tender chhuah dân leh thawktu tûr thlan dân kaihhraina chipchiar tak a awm vek a ni. Hna khirh bîk emaw, security restriction emaw vâng ni lova Restricted Tender emaw, Nomination emaw hmanga hna thawk tûra duhsak zâwng thlan mai hi a dik lo va, corruption a ni.

Hetianga duhsak zâwng mi/contractor thlan leh thawhtûr hriat a nih chuan thuneitute hnênah hêkna/report thlen vat hi khua leh tui thate mawhphurhna a ni. Thu sâwm pêka **“I vêngte hêk suh”** tih hi mi tam takin kan hre sual a ni mai thei. Sâp tawngah chuan Exodus 20:16 thu hi, “You shall not bear false witness against your neighbour,” (NKJV) tih a ni a. Chu chu, **“I vêngte chungah hretu derah i insiam tûr a ni lo,”** tihna a ni. Mi sualte thiltih dik lo zêppui emaw, thuneitute hnêna hrilh loh tûr tih lam emaw a kâwk lo. Sawrkâr leh

office-ahte thil dik lo ti an awmin an thawhpui emaw, an hnuaia miten emaw lo report ta se, hriat chhuah a nih pawha hrem an pumpelh theihna tûrin Whistleblowers Protection Act, 2014 dân fel tak hian a vêng a ni. Tin, Lokayukta hnêna hêkna thlentu chu humhim a nih theihna tûrin Lokayukta hian sawrkâr hnênah humhimna pe tûrin thupêk a siam thei nghe nghe a ni.

RAM (LAND) HRALH LEH NEIH LAMA DUHÂM LUTUK THAT LOHZIA

Ram hi mihringte tâna Pathian siam a ni a. Vântlâng leh mi malin an hman tûr bîk rem fela chhinchhiah tûrin State sawrkâr a awm a; chuvângin, mihringte aiawha ram neitu tak chu State sawrkâr hi a ni baw. LSC neitu ngei pawh hian ram luah man (rent) a pêk a ngai a. LSC hi chhan ðha takah chuan cancel-sak theih a ni baw. LSC neitu dinhmun chu tiam chin bithliah lova ram luah hawhtu dinhmun a ni. Mizoram sawrkâr hian cadastral survey leh settlement hi ti mêk mah se, ram pumah a la ti lo va, mi thil ti thei leh duhâm uchuakte tân kawng a la inhawng zau viau a ni.

Thingtlângah chuan khaw chhûnga in hmun te hi a mamawhtu hnênah VC-in a pe thei a. Leipui ilo atân ramhnuaia te pawh hman hawhtûr phalna a pe ðhîn a ni âwm e. Pi leh pute hun aţang tawhin lo atâna neih tûrin kum khat atân ram a ðheh thei baw a. Hei hi khum khat lo neihna atân chauh a nih avângin a ngheta neih chi a ni lo va, hralh chi a ni hek lo. VC hian a ngheta ram pêkna VC Pass/Patta pêk theihna a nei lo. Chutiang ti an awm chuan dân bawhchhiatna a ni a, an khaw mipuite pawh sawina a ni nghâl baw (NLUP hnuaiah khân a ngheta ram inpêk te a lo awm a nih chuan thu dang ni se).

A ngheta ram neitu nihna (Permanent settlement) pe theitu chu State sawrkâr chauh a ni. Autonomous District Council Area-ah erawh chuan ram inpêk dân a danglam thung a. Land Settlement Certificate (LSC), Periodic Patta, House Pass tih angreng te pawh sawrkârin a pe thei a ni. Tûnlai hian mi pamham deuhthe chuan an mamawh bâk ram hauhna/neihna LSC, Patta, Pass, etc. an nei ÷euh a ni âwm e. Mi tam takin an mamawh ngawih ngawih ram an chan ve loh laia, ÷henkhat hnênah an mamawh bâk bâka sawrkârin ram a pe ÷euh ÷euh hi thil ÷ha lo tak a ni a, corruption inphûmna a nih bawkw avângin tihâwp a ÷ûl khawp mai.

Aizâwl khawpui ÷henawma VC ÷henkhat hian Aizâwl mi neinung leh thil ti theite hnênah dân lovin VC Pass hmangin ram te an lo pe a. Chumi VC Pass hmang chuan LSC te an siamtîr leh ÷hîn a ni âwm e. ÷henkhat phei chuan bank, etc. aṅanga loan lâk nân chûng VC Pass/Patta-te chu dân kalhin an dahkham/mortgage bawkw ÷hîn a ni âwm e. Compensation lâk nân an hmang a nih phei chuan, a petu leh a latute chu corruption-a angkhat renga inhmang an ni.

Sawrkâr hian hmun ÷henkhatah ram zau tak tak chu in hmun atân ni âwm takin mi tam tak hnênah a ÷heh ÷hîn a. Mahse, chûng in hmun ramah chuan kawng, electric, tui leh khawsak nâna mamawh eng mah a buatsaih si loh chuan chênna atân a tlâk loh avângin mi hausaten khuareia an hlâwkpui atân an hralh ÷hîn a ni. Chûng ram ÷heh changtute zîngah chuan mi rethei, ram mamawh ni lo, politics leh sawrkâra thil ti thei an tam ÷hîn a; a sem dânah te pawh corruption a inphûm ÷euh ÷hîn a ni.

SUMDÂWNNA ATÂNA LSC SIAM CHAWP PAWIZIA

Mizoramah hian LSC siam hi mi ðhenkhat tân awlsam tak, ðhenkhat tân harsa tak si a ni âwm e. Ram, in leh lo din nân te leh eizawn nâna mamawh ngawih ngawihten LSC an neih theih loh laia vântlâng ta, ram ruak, hralh leh tûra LSC lo siamtîr mai hi a mak khawp mai. Ram ðheh/pêk dâwna pêk tûrte chu awmze nei leh fel taka thlan an nih theih nân tehfung (criteria) te hi kan la siam mumal lo a ni mai thei. Chuvângin, mamawhtute aiin thil ti theite hian awlsam zâwkin LSC an nei thei niin a lang.

Sum tlêm te sênga LSC siam theiha, lei man (Land Revenue/Rent) tlêm tê sawrkâra chhûn luha sum tam taka hralh leh mai hi corruption lian tak a tling a ni. LSC pêk thar rêng rêng hi kum eng emaw zât chhûng chu hralh khap ni se ðha tûr a ni a. State dangah pawh ram hralh khap tlatna te, ram hralh dâwna sum tam tak sawrkâra chhûn luh phawt ngaihna te a awm a ni. Ram hi mihring ni lovin, Pathianin a siam a ni a, sumdâwn nâna lo hman ðhin hi a dik lo va, a pawî êm êm a ni.

Sawrkârin mi tam tak hnêna in hmun tûr ram a ðhehah te hian kawng, electricity, tui leh civic amenities (nun khaw nawmna) awm miah lo te a ni a. Mi hausate chuan hetiang thil a lo thlen hun hi an nghâk ngar ngar mai a; mi rehteite erawh chuan an hralh mai a, khawsak nâna hman aiin sum siam nân an hmang ta zâwk mai ðhin a ni.

Hotu ðhenkhat phei chuan khaw chhûnga in hmun pêk lamah ðhahnem an ngai hle emaw tih mai tûr hi a ni a. Kawng tûr te, vântlâng hman tûr playground te, damdawi in te, biak in te, sikul te, community hall te,

market te, park te, garbage dumping/treatment ground te, VC/LC office te, NGO office tûr te zuah tâwk lovin mi mal in hmun leh hmun remchâng zawng zawng chu kan hnawh khat fo mai a ni. Hêngte hi sawrkâr leh vântlângin a mamawh chuan sum tam tak sêngin mi mal ram lei a ngai fo mai a. Chu chu khawtlâng mipuite changkâna leh hamthat dawnna tûr kawng dâltu a ni.

COMPENSATION LATU LEH PETUIN DIK TAKA TIH A TÛL

A tâwpkhâwkah chuan ram neitu hi state a ni a, mi mal hnêna settlement pe theitu pawh sawrkâr tho a ni. Chuvângin, sawrkârin mi mal hnên ațanga ram lei hi a dik thei lo. Mahse, a pête hnên ațangin sum tam tak sêngin ram a lei lêt ta fo va. A hralhtuin a to thei ang bera hralh a duh laiin, a leitu sawrkâr aiawh chuan chutianga țahnemngaihna a neih ve loh avâng te, a hralhtu nêna rûka inremsiama sum lo ei ve a duh avâng tein man to takin sawrkâr sumin lei a ni țhîn a. Tichuan, mipui sum tling khâwm chu holam takin an hmang ta huau huau țhîn a. Chu chu corruption lian tak a ni.

Tichuan, sawrkâr tân ama ram, mi mal hnêna tiam chin awm lova a lo luah hawhtîr chu suma lei a rem loh avângin vântlâng tân a mamawh hunah ram neitu/luah tu chhuhsak mai lovin, lâksak/acquire a lo ngai ta a. Chumi atân chuan Central sawrkârin State tina hman theih tûr Land Acquisition Act a siam a. Chumi bâkah Mizoram ngei pawhin Mizoram Land Acquisition, Rehabilitation & Resettlement Act, 2016 chu a lo duang chhuak ve ta a. Tichuan, sawrkârin dân hmanga mi mal ram a lâksak dâwn chuan Collector (Deputy Commissioner)-in ngun takin a ram hlut zâwnng te chhût vekin, ram luahtu dik

tak hnêna compensation/award pêk dân tûr thupêk a chhuah thîn a ni. Heti ang ni lova uchuak taka compensation lâk chu corruption lian tak a ni.

MIPUITEN RTI ACT HMAN ẸANGKAI A ẸUL

Right to Information Act (RTI) tih chu mipuiin sawrkâr thil tih leh hma lâk dân an hriat theihna tûra dân siam a ni a. Sawrkâr leh a hnuaia thuneituten mipui rawng an bâwlnaah dik tak leh belh chian dâwl taka hma an lâk theihna tûrin, lang tlang taka an hnate an kalpui theihna tûr leh, mipuite pawhin an duh zâwng an hriat theih nân Right to Information Act (RTI) hi hman Ẹangkai a pawimawh a, corruption do nâna hmanraw Ẹangkai tak a ni. Sawrkâr department/office tinah State Public Information Officer (SPIO) leh State Asst. Public Information Officer (SAPIO) an awm thîn a. Hêngte hnên aẸang hian sawrkâr thil tih leh hma lâkna chungchâng a hriat duh chu fee ₹10/- pein a dîl chhuah theih a. Anni hian dik takin chhânna an pe tûr a ni. Chhânna dik an pe Ẹha duh lo emaw, chhânna dik lo an pe emaw nia ringhleltu chuan Departmental Appellate Authority (DAA) hnênah a thlen leh thei a. Chuta a la lungawi loh chuan State Information Commission-ah second appeal a theh luh theih a ni. SIC hi autonomous body a nih avângin thuneihna sâng tak nei a ni. Amaherawhchu, RTI-in hamẸhatna (Right) min pêk hi hman nachâng hre lo kan tam a, SIC-a appeal theh lût pawh hi tlêm tê an ni.

Sawrkâr hotuten a rûk a râl emawa contract an pêk chungchâng te, uchuak taka compensation an pêk chungchâng te, sawrkâr hna lâk (Recruitment) leh thil dang tam takah RTI Act hi hmang Ẹangkai ila, corruption pawh a ziaawm phah khawp ang.

CORRUPTION-A FIHLIMLOTE AWMDÂN TLANGPUI**1. An hlawh/thawh chhuah dik tak leh an khawsak a inmil lo**

Sawrkâr hnathawk an ni emaw, ni lo emaw, dik lo taka sum la lût thînte (Corrupt) chu sum an hman dânah an hriat ngei ngei thîn. Sum hman an awlsam tlângpui a, an thawh chhuah phu lohvin in leh lo ropui tak an dân thei a. An fate zirna leh thil danga an sum deh ral dânah te, in chhûng bungrua leh thil dang, ro hlu tak tak an neih dân aţang tein eng emaw chen chu a hriat theih. Tûnlaiah pawisa pûk (Bank loan lâk, etc.) te kan uar tâk avâng hian in leh lo aţang chauhva inteh chu a rin tlâk tâwk lo a nih pawhin, an khawsak phung (Standard of living) aţangin thui tak a hriat theih bawk.

2. Sual tesep sawi lâr an chîng

An eirûk thu miin an sawi an sawi bîk lohna tûr leh, an eirûk sual a lansarh lutuk bîk loh nân thil sual ni ve tho si, mi dang tlin lohna sual tesep chi hrang hrang sawi lâr an chîng duh khawp mai. Kohhrana rawngbâwltute tlin lohna, dâwt ni chiah si lote pawh sawi an chîng thîn. Office kal tlai, office aţanga paper hawn leh a dangte hi corruption a nih ve tho dân te thlengin, dâwt ni hauh si lo thil dang sawi nuam an ti hle a. Mihring tute mah hi thianghlim famkim kan awm lohzia te hmangin inhliakhuh an tum thîn.

Kan ram mipui hian corruption hi kan vei a, kohhran leh pâwl hrang hrang pawhin corruption thât lohzia inzirtîr tawh thîn mah ila, mahni dik lohna pawma insiam thât tum aiin mi dang dik lohna kan inzawnsiak a. Mahni dik lohna en lova mi dang dik lohna veiin kan inkâwk

tawn a, “A tute mah invei tûr bîk kan awm chuang lo,” tîin corruption hi kan sawi liam leh mai ðhîn niin a lang. Hemi chungchângah hian ram leh khawtlâng pawî khawih-hote hian mahni sual thup nân tute emaw thiltih, mi dang khawih pawî tham lo, thil tê tham leh ram tâna ngaih-mawh tham loh sawi lâ phêt an tum ðhîn. Hei hi corruption ti nasaten mi dangin an sawisêl ngam lohna tûra inhungna pal pawimawh taka an hman ðhîn a ni.

3. Sum leh paia an harsat thu sawi an chîng

Inthiam lohna an neih reng avângin, zawh pawh ngai lovin an chhûngkaw khawsak harsat thu emaw, an eirûk lohzia emaw sawi sawi an chîng. Thil thar an neih pawhin an lei theihna chhan (source) puah chawpin an sawi ðhîn.

CORRUPTION THAT LOHNATE

1. Pathian huat zâwng a ni (1 Kor 6:10)

Hlemhlêtna, duhâmna leh eirûkna hi Pathian huat zâwng tak a ni tih Bible-ah kan hmu a. Khawvêla thil râpthlâk ber chu Pathian huat nih hi a ni âwm e. Mal-sâwmtu Pathian huat zâwng a nih avângin kut tling lova hausakna hi a tlo ngai lo va, lungngaihna a belhchhah zâwk ðhîn (Thuf 10:22). Chu chauh chu a ni lo va, Pathian ram chang lo tûr an ni tih Bible-in min hrilh.

2. Hmêlma siamna a ni

Mahni chanvo ni lo lâk hian tu emaw chu a rawk ngei ngei ðhîn a, a eirûksak, mi mal emaw, mipui emaw hmêlmaah a insiam nghâl tihna a ni. Hmêlma leh do neih chu thil hrehawm tak a ni. Eiru chuan a hmêlma ânchhia chu eng tik niah emaw a la tawng baw ngei dâwn a ni.

3. Thlahte thlengin a pawî (1 Sam 2:29–31)

Mizo thufing chuan, *“Sial rângin sial râng a hring,”* a lo ti a. Mizo pipute khân kutkem neih te hi inthlah chhawn theih niin an hria a, an thinhrik hle ðhîn a ni. Pa berin a eirûk ðun ðun chuan fate lo sei len dân tûr chu a râpðlâkin a pawî thui thei hle dân a ni.

4. Mahni tân a pawî (Jer 17:11)

Kan Bible chuan kut tling lova hausak hlauhawmzia sawiin, *“Varung, mahni tui ni lo awp keu ang a ni a, a la dam laiin amah an hransan ang,”* a ti (Jer 17:11). Mi tam takin corruption tih hi hlâwkna tûr em maw an ti ðhîn a, a ni hauh si lo. Kut tling lova inhai vûr hi tûn dam chhûng ngei hian a pawî ðhîn a. Pawisa leh ro hlu tam tak nei thei mah se, Pathian duh loh zâwng a nih avângin tu leh fa leh ðhîl dangah a mawng a pawp châwk ðhîn (Hag 1:6).

5. Revolution a chawk chhuak thei (Eze 22:13)

Hun kal tawha khawvêl chanchin (History) kan chhiar chuan, corruption hluar viauna ramah mi hausa leh retheite inkâr a zau tial tial a. Retheih luat vâng a mi beidawng an lo pung a, mi beidawngte chalchang chuan an chanvo dik tak an hmuh theihna tûr a nih chuan engkim an huam tawh ðhîn a, buaina namen lo a chhuak ðhîn. Chutianga ram a insingsak chuan ram pumin nasa takin a tuar ðhîn a. Mi tlêm zâwkin an nawm an mâka duhtâwka an eirûk theih laia, mi tam tak ei tûr nei mang lo leh mahni chanvo tûr ngei ngei pawh dawng thei lova an awm si chuan buaina nasa tak a chhuak ðhîn a ni.

Chutiang dinhmun chu kan ram hian a hmabâk mêk a, kan hnaih tawh hle lo vang tih pawh a sawi theih loh. Kan ramah corruption hi a hluar zêl a nih chuan

dinhmun chhe takah kan lût thei a ni tih kan hriat reng a ða. Chutiang harsatna râpþlâk chu kan tawh loh nân kohhran hian vênhim hna kan thawk thei a ni. Buaina leh harsatna râpþlâk tawng lova, a ða zâwnga ram insingsakna, entîr nân – Glorious Revolution, Industrial Revolution leh Green Revolution ang te hi kan ram hian a mamawh tawh lo maw, tiin mi tam tak chuan an ngai a ni.

Theihtâwp kan chhuah phawt chuan hêng kan sawi tâk revolution aia ða leh ropui zâwk hi keini Kristian ramah hian Pathian zârah a thleng thei ngei ang. Kohhran mite hian ðan i la sauh sauh ang u.

6. Mipui tân a pawî

Corruption avângin kan kawngpuite pawh a nih tûr ang a ni thei lo va, a tlo tûr ang pawhin a tlo thei lo. Concrete building tlo tak tûr pawh corruption avânga a sak hmang a ðat miau loh chuan a tlo thei hek lo. Corruption chuan hmasâwnna a tiþhuanawp a, sum hmanna tûra tih lohna zâwkah hman a nih ðhin hian mipui tân a pawî a, a tuar bertu pawh mipui an ni ðhin. Mipui chan tûr chan phâk lohtirtu chu he corruption hi a ni.

CORRUPTION LAKA INVÊN DÂN TÛR

1. Mahni dinhmun phu tawka khawsak ngam

Mahni dinhmun leh nihna phu lova khawsak tum hian duhâmna leh awhna a thlen a, chu chuan corruption a hring chhuak ðhin. Tûnlai khawvêlah hmasâwnna kawnga intlânsiakna a nasa êm êm a, chu chuan kan ni tin khawsak dân (Standard of living) pawh a nghawng nasa hle a ni. Mi ang nih kan tumna lamah, a lova kan

awm theih reng thil mamawh belh zâwngin hmasâwn kan tum a ni ta ber mai. Hetih lai hian kohhran mite chu mahni dinhmun phu tâwka khawsak ngam a pawimawh takzet a ni. Mahni nihna leh dinhmun dik tak lungawipua, chumi mila khawsak thiam hi a zahawm a, nun a tihlim bawk. Chutiang mite tân chuan corruption tih hi a ÷lna rêng rêng a awm lo; thil thianghlim lo chu an awt bawk lo.

2. Ngaihsân zâwng (Value System)

Tûnlai khawvêlah sum leh pai leh thil (material) hi mihring dam chhan nia ngai an tam hle âwm e. Chutiang mite chuan thil zawng zawng hlutna hi pawisa aţangin an chhût vek a, chu chuan sum hmangaihna leh ngainatnaah a hruai lût ÷hîn. Tangka sum ngainat hi sual tinrêng bul a nih avângin corruption tih duhnaah a hruai lût ta ÷hîn a, anmahni tân a pawî êm êm a ni (1 Tim 1:6). Amaherawhchu, Kristiante thlîrna aţang chuan sum hi thil pawimawh ber a ni hauh lo. Lal Isuan, *“Mihring hi chhang chauhvîn a nung lo vang a, Pathian kaa thu tin chhuakin a nung zâwk ang,”* (Mt 4:4) tia a sawi ang khân, mihring tân sum hi thil hlu ber a ni hauh lo tih hi kohhran miten kan hre reng tûr a ni.

Khawvêla thil zawng zawng hi Setana nêen inthuruala neih a nih chuan, a tâwp chu chhiatna leh min tilungngaitu vek a ni. Chutih rual chuan, eng thil pawh hi Pathian hriatpui tlâka neih a niha, Amah nêna chan dun a nih chuan min tihlimtu a ni vek thung. Lalpa chên ve tlâk lohna in leh lo dina, A hriatpui tlâk loh ro hlu leh bungraw mawi neia inchhek arbâwm theite ai chuan, dik leh thianghlim taka mi pângngai ni ngamte hi Lalpa ngaiha mi lian an ni ngei ang. Chutiang mite chu kohhran

mite hian chawimawiin ngaihlu thiam ila, an tân khaw-
tông leh kohhranah hmun i zuah tawh zâwk ang u.

3. Mamawh titlêm tûra inbuatsaih

Mihring mamawh tipung zâwnga hmasâwnna kawngah khawvêl hi a tlan mêk a. Ram hausaa chêng kan nih si loh avângin mamawh apui kan ngah ta lutuk hian kan khawsak a tihautak a, chu chuan corruption-ah mi ðhenkhat a hruai lût mêk a ni. Kan ramah hian inchangkânsiak aiin mamawh titlêm tûra inbuatsaih a pawimawh zâwk. Entîr nân – computer, television leh mobile phone-te hi chhûng tin mamawh a ni hran lo. Miten an neih avânga mamawh nia inhria hi kan tam zawk mai thei. Thawh chhuah nei hauh si lovin mobile hand-set changkâng tak tak nêen kan lêng a. Tuizêm siamna emaw, a leina tûr neih zawh loh vâng emawa zân rei tak thlenga tui kang nghâk ðhînte pawhin television lei ðalh kan tum leh lawi si. A tawi zâwngin sawi ila, mamawh tihlêm thiam hi corruption laka invênna ðha tak a ni.

4. Taihmâk leh intodelh

Kan thawh chhuah theih a tam emaw, a tlêm emaw, mahni tâwka intodelh tûra taihmâk chhuah hi corruption laka himna pawimawh tak a ni. Mihring hi rim taka mahni thawh chhuah ei tûra siam kan ni a, *“I dam chhûng zawngin rim taka thawkin a rah chu i ei tawh ang,”* (Gen 3:17) tih ang khan, Pathian thuthlung chu zawh dîk tûra rim tak leh taima taka thawkte chu an intodelhin an hlim ðhîn. Mi taima leh thawk rim, mahni intodelhte chu corruption lakah hian an him tlangpui. Mi thatchhia leh zawmthaw, intodelh lo tân chuan mahni thawh chhuah ni lo ei tûr dap a ngaih avângin an corrupt ðhîn a ni.

5. Pathian ðih

Corruption laka invênna ðha ber chu Pathian ðih hi a ni. Kristiante Pathian hi engkim siamtu leh neitu a ni a, a duh zâwng titu leh amah ring ngamte tân malsâwmna leh thil ðha a ui ngai lo. Lalpa ringtute chuan thil ðha rêng rêng an tlâkchham loh tûr thu te, amah ringtu apiang an mualpho loh tûr thu (Rom 10:11) Bible-in min hrilh te hi i hre reng ang u. Kan Pathian thuin amah ðihtute leh amah ring ngamte chu anmahni mai ni lovin, an thlahte thlenga chaw khawn an awm ngai loh thu (Sam 37:25) a sawi te kha hre rengin Pathian ring ngam ila, i ðih ang u. **Hlemhle nih ai chuan Pathian rin ngam hi a hluin a tlo zâwk si a.** *“Lalpa ðih chu sual huat hi a ni” (Thuf 8:13), “Lalpa chu ðih la, sual kalsan rawh” (Thuf 3:7), “Lalpa ðihnain miin sual a kalsan ðhîn” (Thuf 16:6).*

CORRUPTION HI I DO ANG U

Pathian thu chuan sual a hua a, do ngam tûrin min zirtîr a. Corruption hi Pathian duh loh zâwng sual a ni a, kan do ngam tûr a ni. Engtin nge kan do ang?

1. Kohhranho hmanraw hriam ber **ðawngðaina** hmang-in kan do ang.
2. Corruption ðhat lohzia leh tenawmzia kan hriat theih nân uar takin inzirtîr ila.
3. Corruption-a fihlîm lote chu an sim hma chuan kohhranah chanvo leh nihna pe lo ngam ila.
4. Sum thianghlim lo nia hriat leh thil thianghlim lo chu Pathian leh a kohhran hian a mamawh lohzia sawi uarin, chutiang hriat chian chu la lo ngam bawh ila.
5. Corruption tîremchângtu, kalphung (*system*) dik lo leh inrêlbâwl dân ðha lote siam ðha tûrin hma i la ngam ang u.

TLÂNGKAWMNA

Kan ram hi Kristian ram kan ni a, Pathian zârah kohhran nung tak a awm bawk a, Kristian ram tia chhâl ngam leh corruption huangtauna tia sawi ðhin hi kan inhme hlawl lo a ni. Kohhranhote hian lungrual taka kan do chu **Hnehtu Isua** avângin kan hneh zêl ðhin a nih kha. Chu vâng chuan, corruption hi kohhran hian huai takin kan do tûr a ni. Huai taka kohhran hian kan do theih nân corruption lakah fihlîm i tum ðheuh ang u. Tichuan, *Chanchin Tha hian kan ramah ramhuai chauh ni lovin, Corruption pawh a um bo ve ngei ang.*

.....